

梁溪先生文集

六

任宮觀一次伏蒙 聖慈特降親筆許臣候種師道
到交割職事赴闕議事仰荷 天恩終始保全但深
感泣近准尚書省劄子折彥質除宣撫判官及備奉
聖旨令臣不得輕易進兵伏念臣智謀無取疾病交
攻比日以來夙夜震恐心氣不寧動輒憤亂豈敢復
爲進兵之計但邊事警急須人措置而臣束手坐視
無可爲者深恐誤國伏乞降 旨從師道起發或且
令折彥質前來交割臣得扶疾迤邐前去聽候指揮
不勝皇懼激切之至

第七劄子

臣累具表劄奏狀仰干天聽乞罷知樞密院事河北
河東路宣撫使守本官致仕或外任宮觀一次伏蒙
聖慈再降詔答未賜俞允重念臣學術荒踈智能謹
薄誤被使令過其分量雖自罄竭曾無尺寸之效夙
夜愧懼憂悸成疾不能支持伏望矜憐特降 眷旨
許依所乞異時圖報當極糜捐干冒天威無任皇懼
戰越之至

再乞罷宣撫使表

臣某言伏蒙 聖慈以臣累具劄子乞罷知樞密院
事河北河東路宣撫使守本官致仕或外任宮觀一
次再降詔書不允者危誠上達方虞斧鉞之誅溫詔
俯頒未遂丘園之請敢再陳其懇悃庶仰冀於矜從
中謝伏念臣一介書生不習兵事忘身徇國雖堅衛
上之心制勝運籌初乏折衝之略謬蒙 天獎俾長
樞庭出分闡外之權未廸師中之吉雖 聖恩寬大
必將赦三北而用孟明然公議沸騰豈肯以一戰而
恕房琯與其招人言而得罪曷若控君父而乞身往
城于方宜有赫赫之南仲在泮獻誠必資矯矯之虎
臣自度非才請避賢路伏望 皇帝陛下容之以天
地之量燭之以日月之明憐臣勞瘁而無補於事功
察臣精誠而有志於忠義進以道而退以禮不使翺
翔保其始而全其終無令隕越則臣誓堅素守仰戴
鴻恩失東隅而收桑榆捐軀未晚先朝露而填溝壑
結草爲期

第八劄子

臣伏蒙

聖慈特降宸翰矜憐孤蹤過有存撫初言

莽斷所以用臣總戎之故中言諸將難以倚仗遂致
不敢輕易進兵之由終言臣昨在圍城之中嘗效犬
馬之勞欲力賜保全之意 聖恩隆厚雖父母之於
子不過如此感極涕零不能自止伏念臣學非適用
材不逮人徒抱愚忠常欲奮不顧身以徇國家之急
誤蒙委任俾之宣撫兩路而臣自知材力譴薄誠不
足以仰副重寄力具辭免天意莫廻黽勉就職亦欲
少效涓埃之報而事與願違略無所補以寬 陛下
北顧之憂此臣所以夙夜震恐慙歎憤薄至於寢食
俱廢疾病交攻累瀝危誠以乞骸骨仰冀矜從雖被
竄誅所不敢辭也伏蒙 陛下聖訓丁寧既照察其
精誠又憫念其勞瘁許以保全不使隕越顧臣何人
遭遇如此粉骨碎身曷足圖報伏望 聖慈檢會臣
累上表劄奏狀特降 眷旨從其所乞許令罷知樞
密事河北河東路宣撫使守本官致仕或外任宮觀
一次上以昭 陛下保全臣子之大德下以全微臣
知止之節非獨臣之幸也實天下之幸也臣見迤邐
前去封丘縣以來聽候指揮干冒 宸嚴無任惶懼

俟罪之至

第九劄子

臣伏奉 親筆累數百言訓救丁寧諭以終始保全之意 宸章奎畫燦如日星臣伏讀感涕不能自止 已具劄子稱謝及乞檢會臣累上劄表奏狀特降

眷旨許令罷職任守本官致仕或外任宮觀一次未 奉俞允螻蟻之誠敢再叙陳仰干 天聽伏念臣踈 拙愚直初無他長方道君朝仕不過史官以言事遠 謫流落七年誤蒙召還遭遇 陛下龍飛之際不待

三百廿

宋史紀事本末

一

其六

左右之言首蒙賜對臣未及敷奏之間 聖語屢諭 以臣昨論水事章疏曾經 御覽記錄姓名遂被親 擢躡處從班未旬日間金賊犯闕臣非時請對與宰 執廷爭有合天意遂蒙擢與大政方擾攘中日被委 使中遭詆誣罷斥累日 聖恩隆厚勞問不輟尋復 舊任自春以來孤危之蹤任用保全獲至今日皆出 天造而臣材力絀薄初無毫髮之補濫膺兩路宣撫 之寄雖受命未久然不能率勵將士驅逐醜虜以寬 陛下宵旰北顧之憂慙懼感憤有覩面目今蒙恩召

赴闕議事咫尺天威雖不勝臣子戀慕之誠然復何
顏以望清光兼臣屢經憂患夙夜震恐疾病交攻心
氣不寧難以勉強任事所以不避斧鉞之誅控告君
父乞賜罷黜投閑養疾不敢貪戀寵榮妨塞賢路誠
非獲已伏望 聖慈容以天地之度照以日月之明
聽臣老懇哀而憐之特降 睿旨從其所乞則 陛
下非獨有保全臣子之言乃有保全臣子之實蒙被
驅策者孰不感勵兼臣犬馬之齒未衰使得就閑養
疾心氣稍安復蒙任使捐軀未晚干冒天威無任祈
懇激切戰越待罪之至

三丁廿一

拜六

辭免除觀文殿學士知揚州劄子

九月初交割宣

撫司職事與折彥質還次封丘被受尚書省劄子除觀文殿學士知揚州具劄

子辭免

臣准尚書省劄子備奉 聖旨除臣觀文殿學士知揚州天恩隆厚未賜誅責復加寵榮感戴之極涕泗橫流伏念臣偶以孱庸叨備器使有罪無功不足以當秘殿之隆名心勦形瘵不足以任淮海之重寄儻或冒處必致人言已具狀奏聞乞追還成命外伏望

聖慈檢會臣累上章疏特降 眷旨依臣所乞守本
官致仕或外任官觀一次則始終保全悉歸天造臣
以備受 旨揮免見謝辭不候受告般家接人取便
道疾速發赴新任密邇闕庭不獲瞻望清光豈勝犬
馬戀慕之情雖在山林不敢少忘 陛下天地父母
之德惟當旦日焚修仰祝 睿筭

乞覈實宣撫司見在軍兵財物劄子

靖康元年八月末被旨赴闕議事九月初行次封立蒙恩除觀文殿學士知揚州上劄子具宣撫司見管軍兵財物數目奏聞乞差官前去覈實

聖慈以臣累具表劄乞罷知樞密院事河北河東路宣撫使特除臣觀文殿學士知揚州軍州事兼淮南東路兵馬鈐轄臣已具奏辭免恩命乞守本官致仕或外任官觀訖伏念臣仰荷 聖知特加委任所以力丐罷者非愛身怯敵之故特以疾病及節制不專議論不一進退牽制事有不可為者難以虛受其責臣自六月二十七日總師出國門七月二十日次懷州八月二十一日被受尚書省劄子召赴闕議事任宣撫司職事并在道塗首尾五十餘日初